

Paglilingkod sa Layunin ng Dios Yugto 8 **Magsisi sa Iyong Kasalanan**

“13 Siyang nagtatakip ng kaniyang mga pagsalangsang ay hindi ginhawa: nguni't ang nagpapahayag at nagüwan ng mga yaon ay magtatamo ng kaawaan.” (Kawikaan 28:13 KJV)

Si David ay nagsisisi sa kanyang mga kasalanan. Itinala ng Bibliya ang mga kasalanan ginawa ni David laban sa Panginoon. Matapos gumawa ng pakikiapid, itinago niya ang kanyang kasalanan sa pamamagitan ng paggawa ng isa pang kasalanan. Hindi niya ito pinagsisihan hanggang sa siya ay sinaway, saka niya ito pinagsisihan.

A. Nagsisi siya sa Kanyang mga kasalanan ng pakikiapid na ginawa niya kay Bathsheba: “2 At nangyari sa kinahapunan, na si David ay bumangon sa kaniyang higaan, at lumakad sa bubungan ng bahay ng hari: at mula sa bubungan ay kaniyang nakita ang isang babae na naliligo; at ang babae ay totoong napakagandang masdan. 3 At nagsugo si David, at nagpasiyasat tungkol sa babae. At sinabi ng isa, Hindi ba ito ay si Bathsheba na anak ni Eliam, na asawa ni Uria na Hetheo? 4 At si David ay nagsugo ng mga sugo, at kinuha siya; at siya'y pumaroon sa kaniya, at kaniyang sinipingan siya (sapagka't siya'y malinis sa kaniyang karumihan;) at siya'y bumalik sa kaniyang bahay. 5 At ang babae ay naglihi; at siya'y nagsugo at nasaysay kay David, at nagsabi: Ako'y buntis.” (2 Samuel 11:2-5 KJV)

Ngayon sinubukan ni David na takpan ang kanyang kasalanan kaya ginawa niya a ng sumusunod: **“6 At nagsugo si David kay Joab, na sinasabi, Suguin mo sa akin si Uria na Hetheo. At sinugo ni Joab si Uria kay David. 7 At nang si Uria ay dumating sa kaniya, tinanong ni David siya kung paano ang tayo ni Joab, at kung ano ang kalagayan ng bayan, at kung paano ang tayo ng pagbabaka. 8 At sinabi ni David kay Uria, Babain mo ang iyong bahay, at iyong hugasan ang iyong mga paa. At umalis si Uria sa bahay ng hari at isinusunod sa kaniya ang isang pagkain na mula sa hari. 9 Nguni't natulog si Uria sa pintuan ng bahay ng hari na kasama ng lahat ng mga lingkod ng kaniyang panginoon, at hindi binaba ang kaniyang bahay. 10 At nang masaysay kay David, na sabihin, Hindi binaba ni Uria ang kaniyang bahay, sinabi ni David kay Uria, Hindi ka pa ba nakapaglalakbay? bakit hindi mo binaba ang iyong bahay? 11 At sinabi ni Uria kay David, Ang kaban, at ang Israel, at ang Juda, ay nasa mga tolda at ang aking panginoon si Joab, at ang mga lingkod ng aking panginoon, ay nangahahantong sa luwal na parang; yayaon nga ba ako sa aking bahay, upang kumain, at upang uminom, at upang sumiping sa aking asawa? buhay ka, at buhay ang iyong kaluluwa, hindi ko gagawin ang bagay na ito.” (2 Samuel 11:6-11 KJV)** Dinala ni David si Uria mula sa larangan ng digmaan upang makatulog si Uria kasama ang kanyang asawa at parang siya ay magbuntis sa kanyang sariling asawa. Ngunit hindi nagtagumpay ang plano ni David dahil sa katapatan ni Uria sa serbisyo.

“12 At sinabi ni David kay Uria, Tumigil ka rin dito ngayon at bukas ay aking payayaunin ka. Sa gayo'y tumigil si Uria sa Jerusalem sa araw na yaon, at sa kinabukasan. 13 At nang tawagin siya ni David, siya'y kumain at uminom sa harap niya; at kaniyang nilango siya: at sa kinahapunan, siya'y lumabas upang mahiga sa kaniyang higaan na kasama ng mga lingkod ng kaniyang panginoon, nguni't hindi niya binaba ang kaniyang bahay. 14 At nangyari, sa kinaumagahan, na sumulat si David ng isang sulat kay Joab, at ipinadala sa pamamagitan ng kamay ni Uria. 15 At kaniyang isinulat sa sulat, na sinasabi, Ilagay mo si Uria sa pinakaunahan ng mahigpit na pagbabaka, at kayo'y magsiurong mula sa kaniya, upang siya'y masaktan, at mamatay. 16 At nangyari, nang bantayan ni Joab ang bayan, na kaniyang inilagay si Uria sa dakong kaniyang nalalaman na kinaroroonan ng mga matapang na lalake. 17 At ang mga lalake sa bayan ay nagsilabas at nakipagbaka kay Joab: at nangabuwal ang iba sa bayan, sa mga lingkod ni David; at si Uria na Hetheo ay namatay rin.” (1 Samuel 11:12-17 KJV)

Dahil tinatakpan ni David ang kanyang kasalanan hindi siya naging makatarungan kay Uria, na Hiteo. **“26 At nang marinig ng asawa ni Uria na si Uria na kaniyang asawa ay namatay, kaniyang tinangisan ang kaniyang asawa. 27 At nang ang pagtangis ay makaraan, ay nagsugo si David at kinuha siya sa kaniyang bahay, at siya'y naging kaniyang asawa, at nagkaanak sa kaniya ng isang lalake. Nguni't ang bagay na ginawa ni David ay minasama ng Panginoon.” (2 Samuel 11:26-27 KJV)**

Inilantad ng Panginoon ang ginawa ni David sa pamamagitan ng Kanyang propetang si Nathan, Kinausap siya ni Nathan sa kanyang ginawa, at nagsisi si David sa kanyang ginawa: **“13 At sinabi ni David kay Nathan, Ako'y nagkasala laban sa PANGINOON. At sinabi ni Nathan kay David, Inalis din ng PANGINOON ang iyong kasalanan; hindi ka mamamatay. 14 Gayon ma'y sapagka't sa gawang ito'y iyong binigyan ng malaking pagkakataon ang mga kaaway ng PANGINOON upang magsipanungayaw, ang bata naman na ipinanganak sa iyo ay walang pagsalang mamamatay.” (2 Samuel 12:13-14 KJV)**

Ang tunay na pagsisisi ni David ay maliwanag na totoo mula sa kanyang puso dahil tinanggap niya ang disiplina ng Panginoon at ang mga bunga ng kanyang kasalanan. Ang anak na ipinanganak sa kanya mula sa pakikiapid ay namatay. Dahil pinahintulutan niyang mapatay si Uria sa tabak, kaya ang tabak ay hindi umalis sa kanyang bahay. Mula sa kanyang sariling sambahayan, nagdala ang Panginoon ng kapahamakan sa kanya. Tunay na isinagawa ng Dios ang Kanyang disiplina laban kay David at tinanggap ni David ang disiplina ng Dios. **“15 At si Nathan ay umuwi sa kaniyang bahay. At sinaktan ng PANGINOON ang bata na ipinanganak ng asawa ni Uria kay David, at totoong malubha. 14 Ipinanalangin nga ni David sa Dios ang bata; at si David ay nagaayuno, at pumapasok, at humihiga buong gabi sa lupa. 17 At bumabangon ang mga matanda sa kaniyang bahay, at tumatayo sa siping niya, upang itindig siya sa lupa; nguni't siya'y ayaw kahit kumain ng tinapay na kasalo nila. 18 At nangyari, nang ikapitong araw, na ang bata ay namatay. At nangatakot ang mga lingkod ni David na saysayin sa kaniya na ang bata ay patay na: sapagka't kanilang sinabi, Narito, samantalang ang bata ay buhay pa, tayo ay nakipagsalitaan sa kaniya, at hindi siya nakinig sa ating tinig: gaano ngang ikababagabag niya kung ating sasabihin sa kaniya na ang bata ay patay na? 19 Nguni't nang makita ni David na ang kaniyang mga lingkod ay nagbubulong-bulungan, nahalata ni David na ang bata ay patay na: at sinabi ni David sa kaniyang mga lingkod, Patay na ba ang bata? At kanilang sinabi, Siya'y patay na. 20 Nang magkagayo'y bumangon si David sa lupa at naligo, at nagpahid ng langis, at nagbihis ng kaniyang suot; at siya'y naparoon sa bahay ng PANGINOON, at sumamba: saka naparoon siya sa kaniyang sariling bahay; at nang siya'y humingi, hinainan nila ng tinapay siya sa harap, at siya'y kumain.”** (2 Samuel 12:15-20 KJV)

Nang nagsisi si David at tinanggap ang disiplina ng Dios at ang mga bunga ng kanyang kasalanan, pinatibay siya ng Dios upang magtiis at inani ni David ang bunga ng kanyang pagsisisi. **“24 At inaliw ni David si Bathsheba na kaniyang asawa, at lumapit sa kaniya, at sumiping sa kaniya: At siya'y nanganak ng isang la lake, at tinawag niya ang kaniyang pangalan na Salomon. At minahal siya ng PANGINOON. 25 At nagsugo siya sa pamamagitan ng kamay ni Nathan na propeta, at tinawag niya ang kaniyang pangalan na Jedidiah alang-alang sa PANGINOON.”** (2 Samuel 12:24-25 KJV) Matapos ang lubos na pagsisisi ni David, pinagpala siya ng Panginoon sa pamamagitan ng pagbibigay kay Solomon na susunod kay David bilang hari ng Israel.

Si David, sa pagsisisi para sa kasalananang ito ng pakikiapid na ginawa niya kay Bathsheba, ay sinulat niya **Awit 51:1-19**: **“1 Maawa ka sa akin, Oh Dios, ayon sa iyong kagandahang-loob: ayon sa karamihan ng iyong malumanay na mga kaawaan ay pinawi mo ang aking mga pagsalangsang. 2 Hugasan mo akong lubos sa aking kasamaan, at linisin mo ako sa aking kasalanan. 3 Sapagka't kinikilala ko ang aking mga pagsalangsang: at ang aking kasalanan ay laging nasa harap ko. 4 Laban sa iyo, sa iyo lamang ako nagkasala, at nakagawa ng kasamaan sa iyong paningin: upang ikaw ay arüing ganap pag nagsasalita ka, at maging malinis pag humahatol ka. 5 Narito, ako'y inanyuan sa kasamaan; at sa kasalanan ay ipinaglihi ako ng aking ina, 6 Narito, ikaw ay nagnanasa ng katotohanan sa mga loob na sangkap; at sa kubling bahagi ay iyong ipakikilala sa akin ang karunungan. 7 Linisin mo ako ng hisopo, at ako'y magiging malinis: hugasan mo ako at ako'y magiging lalong maputi kay sa nieve. 8 Pagparinggan mo ako ng kagalakan at kasayahan; upang ang mga buto na iyong binali ay mangagalak. 9 Ikubli mo ang iyong mukha sa aking mga kasalanan, at pawiin mo ang aking lahat na mga kasamaan. 10 Likhaan mo ako ng isang malinis na puso, Oh Dios; at magbago ka ng isang matuwid na espiritu sa loob ko. 11 Huwag mo akong paalisin sa iyong harapan; at huwag mong bawiin ang iyong santong Espiritu sa akin. 12 Ibalik mo sa akin ang kagalakan ng iyong pagliligtas: at alalayan ako ng kusang espiritu. 13 Kung magkagayo'y ituturo ko sa mga mananalangang ang iyong mga lakad; at ang mga makasalanan ay mangahihikayat sa iyo. 14 Iligtas mo ako sa salang pagbububo ng dugo, Oh Dios, ikaw na Dios ng aking kaligtasan; at ang aking dila ay aawit ng malakas tungkol sa iyong katuwiran. 15 Oh Panginoon, bukhin mo ang aking mga labi; at ang aking bibig ay magsasaysay ng iyong kapurihan. 16 Sapagka't hindi ka nalulugod sa hain; na kung dili ay bibigyan kita: wala kang kaluguran sa handog na susunugin. 17 Ang mga hain sa Dios ay bagbag na loob: isang bagbag at may pagsisising puso, Oh Dios, ay hindi mo wawaling kabuluhan. 18 Gawan mo ng mabuti ang iyong mabuting kasayahan sa Sion: itayo mo ang mga kuta ng Jerusalem. 19 Kung magkagayo'y malulugod ka sa mga hain ng katuwiran, sa handog na susunugin at sa handog na susunuging buo: kung magkagayo'y mangaghahandog sila ng mga toro sa iyong dambana.”**

Ang mga patunay na totoong pagsisisi ni David ay makikita sa kanyang Awit. At ito ang mga pagninilay at mahahalagang salik kung ikaw ay tunay na nagsisisi:

1. Alam ni David kung ano ang kanyang nagawang mali at bukas na inamin ang kanyang kasalanan sa Panginoon: Alam mo ba nang eksakto kung ano ang iyong nagawang mali? Kaya mo bang tukuyin ang iyong kasalanan?

2. Hindi sinisi ni David o inakusahan ang iba sa kasalananang kanyang nagawa: Ipinagtapat mo ba na ang kasalanan bilang sa iyo? O sinusubukan mo bang ibigay ang pananagutan ng iyong kasalanan sa iba?

3. Hiningi ni David sa Panginoon na patawarin siya at maawa sa kanya batay sa kanyang pangakong hindi na niya uulitin ang pagkakasala: Ikaw ba ay nahatulan na huminto sa pagkakasalan? O gusto mo bang samantalain ang biyaya ng Dios sa pamamagitan ng paghingi ng tawad ngunit sa puso mo ay ayaw mong lumayo sa kasalanan?

4. Hiningi ni David sa Panginoon na linisin ang kanyang kasalanan at burahin ang kanyang mga paglabag: Ipinapakita nang malinaw ang tunay na pagsisisi kung paano ginagawa kang masamang tao sa paningin ng Dios. Ito ay magtutulak sa iyo na hilingin sa Dios na burahin ang iyong mga paglabag, upang muli kang makatayo na maglingkod sa Kanya. Alam ni David kung gaano kasakit ang kanyang kasalanan at kung paanong di nasiyahan ang Panginoon. Nakita niya ang kanyang kasalanan ayon sa paningin ng Dios. **Nakikita mo ba ang iyong mga kasalanan bilang kasindak-sindak at nakasasama gaya ng nakikita at inilalarawan ng Dios sa Kanyang Salita? O ikaw ay nagkakasala at pagkatapos ay nagtatanong, 'Anong kasindak-sindak na kasalanan ang talagang nagawa ko?' Kung ang iyong tanong ay ganito, ipinapakita nito na hindi ka pa umabot sa punto ng tunay na pagsisisi at takot sa Dios.**

5. Hiningi ni David sa Panginoon na linisin siya: Hiniling mo ba sa Dios na patawarin ka at linisin ang iyong puso at isip mula sa iyong kasalanan at lahat ng epekto nito? Hiningi ni David sa Dios na linisin ang kanyang mga kasalanan at linisin siya mula sa lahat ng nakasasamang epekto ng kasalanan sa kanyang buhay. **Habang lubos mong pinagsisisihan, ang proseso ng pagpapabanal ay sisimulan din sa iyong buhay.**

6. Hiniling ni David sa Panginoon na huwag siyang itakwil sa Kanyang harapan: Ang kasalanan ay magdudulot ng pagkawala ng presensya at paglingap ng Dios sa iyong buhay. Ang mga kasalananang hindi inamin at hindi tinalikdan ay magdudulot ng pagkawala ng iyong kawalang-hanggan maliban kung magsisi ka.

7. Hiniling ni David sa Panginoon na huwag niyang alisin ang Banal na Espiritu sa kanya: Ang pagkasira ng iyong pakikipag-ugnayan sa Dios dahil sa kasalanan ay mag-aalis ng Banal na Espiritu sa iyo. Maaari kang mabuhay at kumilos nang wala ang patnubay ng Banal na Espiritu, ngunit hindi mo makikita ang liwanag ng Dios na magbibigay-daan upang makita mo ang hinaharap. Maliban kung magsisi ka sa iyong mga kasalanan, magpapatuloy kang lumakad sa kadiliman.

8. Hiniling ni David sa Panginoon na lumikha sa kanya ng isang dalisay na puso at magpanibago ng matatag na espiritu sa loob niya: Habang nagsisisi ka, gagawin ng Dios ang Kanyang ipinangako nang sinabi Niya, **"26 Bibigyan ko rin naman kayo ng bagong puso, at lalagyan ko ang loob ninyo ng bagong diwa; at aking aalisin ang batong puso sa inyong katawan, at aking bibigyan kayo ng pusong laman. 27 At aking ilalagay ang aking Espiritu sa loob ninyo, at palalakaran ko kayo ng ayon sa aking mga palatuntunan, at inyong iingat ang aking mga kahatulan, at isasagawa."** (Ezekiel 36:26-27 KJV)

9. Hiniling ni David sa Panginoon na ibalik sa kanya ang kagalakan ng kaligtasan at pagkalooban siya ng pusong masigasig upang siya'y patuloy na mapanatili: Ang kakulangan ng kagalakan sa buhay ay maaaring sanhi ng kasalananang hindi mo ipinagtatapat o tinatalikuran. Aalisin ng kasalanan ang kagalakan ng iyong kaligtasan. Kapag nagsisi ka, ibalik ng Panginoon sa iyo ang kagalakan ng Kaniyang kaligtasan. At ang kagalakang iyon ang magbibigay sa iyo ng lakas upang magpatuloy sa paglilingkod sa layunin ng Dios, at mamuhay nang may tagumpay.

10. Alam ni David na hindi magiging masaya ang Dios sa mga sakripisyo nang walang pagsisisi: Ipinagkakaloob mo ba sa Dios ang iyong mga serbisyo, o nagbibigay ka ng pera at mga regalo sa mga maka-Dios na tao sa pag-iisip na ang mga bagay na ito ay tatakan ang iyong mga kasalanan? Kilala ni David ang Dios at sinabi niya, **"16 Sapagka't hindi ka nalulugod sa hain; na kung dili ay bibigyan kita: wala kang kaluguran sa handog na susunugin. 17 Ang mga hain sa Dios ay bagbag na loob: isang bagbag at may pagsisising puso, Oh Dios, ay hindi mo wawaling kabuluhan."** (Awit 51:16-17 KJV)

11. Nangako si David sa Panginoon na tuturuan ang mga makasalanan ng mga daan ng Dios: Sinabi niya, **"13 Kung magkagayo'y ituturo ko sa mga mananalangang ang iyong mga lakad; at ang mga makasalanan ay mangahihikayat sa iyo."** (Awit 51:13 KJV) Kapag tunay kang nagsisi, ikaw ang tamang tao upang turuan ang iba. Dahil maaari mong patotohanan sa kanila kung paano ka sinira ng kasalanan at kung paano nagdulot ng mga problema sa iyong buhay ang pagsuway. Pagkatapos mong ganap na maibalik sa tama, ipapahayag mo sa iba, **'Nagawa ko noon ang kasalananang iyon at ako ay nasaktan at naparusahan, kaya pinapayo ko sa inyo na huwag gawin iyon.'** Isang napakahalagang aspeto ng iyong pagsisisi ay turuan ang iba mula sa iyong sariling karanasan kung paano nagdulot ng kapahamakan ang kasalanan sa iyong buhay. Mahalaga ang iyong pagtuturo at patotoo dahil kailangang sumunod ang mga tao mula sa kasalanan. Kailangang babalaan sila tungkol sa kahihinatnan ng kasalanan at maling gawain, at upang matakot sa Dios. Dapat nilang matanggap ang tamang mensahe mula sa iyo na personal na nakaranas ng mapaminsalang katag ng kasalanan hanggang nagsisi ka.

B. Si David ay may iba pang kasalanan na binanggit sa Bibliya: Nagawa ni David ang isang hangal na bagay sa pamamagitan ng pag-utos na bilangin ang Israel: “1 At si Satan ay tumayo laban sa Israel, at kinilos si David na bilangin ang Israel. 2 At sinabi ni David kay Joab, at sa mga prinsipe ng bayan, Kayo'y magsiyaon, bilangin ninyo ang Israel mula sa Beer-seba hanggang sa Dan; at dalhan ninyo ako ng salita; upang aking maalaman ang bilang nila. 3 At sinabi ni Joab, Gawin nawa ng Panginoon ang kaniyang bayan na makasandaang higit sa dami nila; nguni't, panginoon ko na hari, di ba silang lahat ay mga lingkod ng aking panginoon? bakit kinakailangan ng panginoon ko ang bagay na ito? bakit siya'y magiging sanhi ng ipagkakasala ng Israel? 4 Gayon ma'y ang salita ng hari ay nanaig laban kay Joab. Kaya't si Joab ay yumaon, at naparoon sa buong Israel, at dumating sa Jerusalem. 5 At ibinigay ni Joab ang kabuuan ng bilang ng bayan kay David. At silang lahat na taga Israel ay labing isang daan libo na nagsisihawak ng tabak: at ang Juda ay apat na raan at pitongpung libong lalake na nagsisihawak ng tabak. 6 Nguni't ang Levi at ang Benjamin ay hindi binilang; sapagka't ang pananalita ng hari ay kahalayhalay kay Joab.” (1 Cronica 21:1-6 KJV)

Nagduda si David sa biyaya at presensya ng Panginoon. Binibilang niya ang kanyang bayan na para bang siya ang nagdala sa kanila at hindi kinikilala ang Dios na naglagay sa kanya bilang hari nila. Ang pagkilos ni David sa pagbibilang sa mga tao ay itinuturing na kakulangan sa kanyang pananampalataya sa Dios. Nagduda siya sa presensya ng Dios bilang tunay na Hari ng Kanyang bayan. Nakakaramdam siya ng kawalan ng kapanatagan, at ito ang nagtulak sa kanya na bilangin ang kanyang bayan. Ang kanyang saloobin at utos ay itinuturing na kasalanan. Nagkamali si David, at kahit hindi niya pinansin ang paliwanag ni Joab.

“7 At sumama ang loob ng Dios sa bagay na ito; kaya't kaniyang sinaktan ang Israel. 8 At sinabi ni David sa Dios, Ako'y nagkasala ng mabigat sa aking paggawa ng bagay na ito: nguni't ngayo'y alisin mo, ipinamamanhik ko sa iyo, ang kasamaan ng iyong lingkod, sapagka't aking ginawang may lubhang kamangmangan. 9 At ang PANGINOON ay nagsalita kay Gad na tagakita ni David, na sinasabi. 10 Yumaon ka at magsalita kay David na sasabihin, Ganito ang sabi ng PANGINOON, Pinagpapalagayan kita ng tatlong bagay; pumili ka ng isa sa mga iyan, upang aking magawa sa iyo. 11 Sa gayo'y naparoon si Gad kay David, at nagsabi sa kaniya, Ganito ang sabi ng PANGINOON, Piliin mo ang iniibig mo: 12 Tatlong taong kagutom; o tatlong buwan na pagkalipol sa harap ng iyong mga kaaway, samantalang ang tabak ng iyong mga kaaway ay umabot sa iyo; o kung dili ay tatlong araw na ang tabak ng PANGINOON, sa makatuwid baga'y ang salot sa lupain, at ang anghel ng PANGINOON ay mangwawasak sa lahat na hangganan ng Israel. Ngayon nga'y akalain mo kung anong sagot ang ibabalik ko sa kaniya na nagsugo sa akin. 13 At sinabi ni David kay Gad, Ako'y totoong nasa kagipitan: ipinamamanhik ko na ihulog mo ako ngayon sa kamay ng PANGINOON; sapagka't totoong malaki ang kaniyang kaawaan; at huwag akong mahulog sa kamay ng tao.” (1 Cronica 21:7-13 KJV) Nagsisi si David matapos niyang mapagtanto ang kanyang maling ginawa. Malinaw niyang sinabi, **“Ako'y nagkasala ng mabigat sa aking paggawa ng bagay na ito.”** Tinanggap ni David na batahin ang bunga ng kanyang kasalanan- **“tatlong araw na ang tabak ng Panginoon, sa makatuwid baga'y ang salot sa lupain, at ang anghel ng PANGINOON ay mangwawasak sa lahat na hangganan ng Israel.”** Pinili niya ang kaparusahan mula sa Panginoon ngunit hindi gustong mahulog sa mga kamay ng mga tao.

“14 Sa gayo'y nagsugo ang PANGINOON ng salot sa Israel: at nabuwal sa Israel ay pitongpung libong lalake. 15 At ang Dios ay nagsugo ng isang anghel sa Jerusalem, upang gibain; at nang kaniyang lilipulin, ang PANGINOON Y tumingin, at nagsisi siya tungkol sa kasamaan, at sinabi sa manglilipol na anghel, Siya na, ngayo'y itigil mo ang iyong kamay. At ang anghel ng PANGINOON ay tumayo sa tabi ng giikan ni Ornan na Jebuseo. 16 At itinanaw ni David ang kaniyang mga mata, at nakita ang anghel ng PANGINOON na nakatayo sa pagitan ng lupa at ng langit, na may hawak na tabak sa kaniyang kamay na nakaunat sa Jerusalem. Nang magkagayo'y si David at ang mga matanda, na nangakapanamit ng kayong magaspang ay nangagpatirapa. 17 At sinabi ni David sa Dios, Hindi ba ako ang nagpabilang sa bayan? sa makatuwid baga'y ako yaong nagkasala at gumawa ng totoong kasamaan; nguni't ang mga tupang ito, ano ang kanilang ginawa? Idinadalangin ko sa iyo, Oh PANGINOON kong Dios, na ang iyong kamay ay maging laban sa akin, at laban sa sangbahayan ng aking ama; nguni't huwag laban sa iyong bayan, na sila'y masasalot.” (1 Cronica 21:14-17 KJV)

Nang bumagsak ang disiplina ng Panginoon sa buong Israel, si David ay lubos na nagsisisi sa pananaw ng masamang epekto ng kanyang kasalanan sa bayan. Hindi niya ipinagtanggol ang kanyang sarili o inilalaan ito sa iba, kundi inamin niya ang kanyang kasalanan sa harap ng Panginoon. Sinabi niya, **“Idinadalangin ko sa iyo, Oh Panginoon kong Dios, na ang iyong kamay ay maging laban sa akin, at laban sa sangbahayan ng aking ama; nguni't huwag laban sa iyong bayan, na sila'y masasalot.”**

“18 Nang magkagayo'y inutusan ng anghel ng PANGINOON si Gad upang sabihin kay David na siya'y sumampa, at magtayo ng isang dambana sa PANGINOON sa giikan ni Ornan na Jebuseo. 19 At si David ay sumampa sa sabi ni Gad na kaniyang sinalita sa pangalan ng PANGINOON. 20 At si Ornan ay bumalik at

nakita ang anghel; at ang kaniyang apat na anak na kasama niya ay nagsipagkubli. Si Ornan nga ay gumigiik ng trigo. 21 At samantalang si David ay naparoroon kay Ornan, si Ornan ay tumanaw at nakita si David, at lumabas sa giikan, at iniyukod kay David ang kaniyang mukha sa lupa. 22 Nang magkagayo'y sinabi ni David kay Ornan, Ibigay mo sa akin ang dako ng giikang ito, upang aking mapagtayuan ng isang dambana sa PANGINOON: sa buong halaga ay ibibigay mo sa akin: upang ang salot ay tumigil sa bayan. 23 At sinabi ni Ornan kay David, Kunin mo, at gawin ng panginoon kong hari ang mabuti sa harap ng kaniyang mga mata: narito, aking ibinibigay sa iyo ang mga baka na mga pinakahandog na susunugin, at ang mga kasangkapan ng giikan na pinaka kahoy, at ang trigo na pinakahandog na harina; aking ibinibigay sa lahat. 24 At sinabi ng haring David kay Ornan, Huwag; kundi katotohanang aking bibilhin ng buong halaga: sapagka't hindi ko kukunin ang iyo para sa PANGINOON, o maghahandog man ng handog na susunugin na walang bayad. 25 Sa gayo'y ibinigay ni David kay Ornan dahil sa dakong yaon ang anim na raang siklong ginto na pinakatimbang. 26 At ipinagtayo roon ni David ng isang dambana ang PANGINOON, at naghandog ng mga handog na susunugin, at ng mga handog tungkol sa kapayapaan, at tumawag sa PANGINOON; at sinagot niya siya mula sa langit sa pamamagitan ng apoy sa ibabaw ng dambana ng handog na susunugin. 27 At inutusan ng PANGINOON ang anghel; at kaniyang isinuksok sa kaluban ang kaniyang tabak. 28 Nang panahong yaon, nang makita ni David na sinagot siya ng PANGINOON sa giikan ni Ornan na Jebuseo, siya nga'y naghain doon.” (1 Cronica 21:18-28 KJV) Nang magsisi si David sa kanyang kasalanan, siya ay pinanumbalik at tinanggap muli ng Panginoon. Sa pagsunod sa Salita ng Panginoon na magtayo ng isang dambana sa giikan ni Araunah, siya ay pumunta at binili ang giikan at doon siya naghandog ng mga alay sa Dios. Pagkatapos magsisi ni David, ipinakita ng Panginoon sa kanya ang lugar kung saan dapat itayo ang Kanyang dambana, at kalaunan kung saan itatayo ang templo ng Dios. **“I Nang magkagayo'y sinabi ni David, Ito ang bahay ng Panginoong Dios, at ito ang dambana ng handog na susunugin para sa Israel.” (1 Cronica 22:1 KJV)**

Nang nagsisi si David sa kanyang unang kasalanan, ibinigay ng Dios sa kanya si Solomon, ang kanyang kahalili bilang hari sa Israel. Nang nagsisi si David sa kanyang pangalawang kasalanan, ipinakita ng Panginoong Dios sa kanya ang lugar kung saan itatayo ang templo ng Dios.

Sa proseso ng tunay na pagsisisi, ang mga sumusunod na hakbang ay nasiyasat:

1. Lumayo at aminin ang iyong mga kasalanan
2. Tanggapin ang disiplina ng Panginoon
3. Tanggapin na pasanin ang mga bunga ng iyong mga kasalanan
4. Tanggapin ang kapatawaran, pagtanggap, at pagbabalik-loob ng Dios
5. Tanggapin ang gantimpala ng Dios para sa iyo
6. Tanggapin ang malinaw na pananaw mula sa Dios tungkol sa Kanyang hinaharap para sa iyo

Sa aking Mahal at Minamahal: Ang matuwid na paghahandog sa Dios kapag may tunay na pagsisisi. Ang papuri, pagsamba, ministeryo, at pagbibigay nang walang pagsisisi ay hindi kalugod-lugod sa Panginoon. Ang mga gumagawa ng ganito ay hindi kayang kutayin ang Dios; ang Panginoon ay hindi malulugod at hindi papatawarin ang kasalanan maliban kung makikita ng Dios na may tunay na pagsisisi tulad ng nakita sa buhay ni David.

“13 Siyang nagtatakip ng kaniyang mga pagsalangsang ay hindi giginhawa: nguni't ang nagpapahayag at nagüwan ng mga yaon ay magtatamo ng kaawaan.” (Kawikaan 28:13 KJV) Maaaring matukso ka na takpan ang iyong mga kasalanan at kakulangan, ngunit ang iyong kalagayan ay mabilis na lalala maliban kung tunay kang magsisi.

Ang tunay na pagsisisi at kahandaang tanggapin ang disiplina ng Dios at ang mga bunga ng iyong kasalanan, ay magbubukas ng daan para simulan ng Dios sa iyo ang proseso ng pagpapanumbalik. Tulad ni David ay napanumbalik, ikaw rin ay mapapanumbalik kung tunay kang magsisi at seryosohin sa puso mo ang mga daan ng Panginoon. Ang iyong tunay na pagsisisi ay magbubukas din ng daan para maitayo ang templo ng Dios. Kapag nagsisi ka sa iyong mga kasalanan, pinaglilingkuran mo ang layunin ng Dios at naitatag ang simbahan ng Dios. Habang nagsisisi ka ngayon, mas magiging maayos ang takbo ng iyong buhay, at ang pananaw ng Dios para sa iyong buhay ay magiging malinaw sa iyo araw-araw.

Manalangin tayo

Ang aking Panalangin: Ama Dios, lumalapit ako sa Iyo sa pangalan ni Jesus, na namatay sa krus para sa aking mga kasalanan at nabuhay mula sa mga patay upang bigyan ako ng buhay na walang hanggan. Panginoon, salamat sa Iyong Salita na nagtuturo sa akin kung ano ang pagsisisi at kung ano ang kailangan kong gawin upang ganap na manumbalik sa iyo at sa mabuting plano mo para sa akin sa aking buhay at sa aking ministeryo.

Ipagtapat at talikdan ngayon ang lahat ng iyong mga kasalanan. Ipagtapat at talikdan ang iyong mga kasinungalingan, pagkahilig sa makamundong bagay at pagmamahal sa materyal na bagay. Ipagtapat at talikdan ang iyong galit, pakikipaglaban, pagpatay, paglust, imoralidad, ang iyong mga paraan upang itago at takpan ang iyong mga kasalanan. Ipagtapat at talikdan ang paggamit ng pera upang mag-alay ng sakripisyo upang takpan ang iyong mga kasalanan. Ipagtapat at talikdan ang kawalan ng takot sa Dios at ang iyong kapalaluan na gawin ang sariling kalooban. Ipagtapat at talikdan ang iyong pagmamalaki, pagsubok sa Dios, kakulangan sa pananampalataya at pag-aalinlangan sa Kanya. Ipagtapat at talikdan ang iyong hindi wastong pamamahala, pakikipagkaibigan sa maraming kaibigan at mga hindi mananampalataya, at ang pagsasayang ng oras sa Media, Balita at laro. Ipagtapat ang iyong kakulangan sa pagbasa ng Salita ng Dios at ang iyong kakulangan sa panalangin. Panginoon, patawarin mo ako, nagsisisi ako sa mga sumusunod na kasalanan

Panginoon, handa akong disiplinahin mo at akuin ang mga bunga ng aking mga kasalanan. O Dios, ayon sa iyong walang hangang pag-ibig at dakilang habag, burahin mo ang aking mga pagsuway. Hugasan mo lahat ng aking mga kalapastanganan at linisin mo ako mula sa aking mga kasalanan. Pagkatapos, tuturuan ko ang mga makasalanan ng iyong mga daan, at ang mga makasalanan ay babalik sa iyo. Iligtas mo ako mula sa pagkakasala ng dugo, O Dios, ang Dios na nagliligtas sa akin, at ang aking dila ay aawit tungkol sa iyong katuwiran. Pinupuri kita at pinararangalan, ito ang aking panalangin sa pangalan ni Jesus, Amen.

*Panginoon, salamat sa aking mga Kapatid na nagsisi, nagbukas ng kanilang puso at tinalikdan ang lahat ng kanilang mga kasalanan at ipinangako ang kanilang sarili na bumalik sa iyo nang lubos at tinanggap ang pagharap sa mga bunga ng kanilang mga kasalanan. Panginoon, tuparin Mo ang iyong pangako at maawa Ka sa kanila ayon sa iyong Salita. **“13 Siyang nagtatakip ng kaniyang mga pagsalangsang ay hindi giginhawa: nguni't ang nagpapahayag at nagiiwan ng mga yaon ay magtatamo ng kaawaan.”** (Kawikaan 28:13 KJV) Panginoon, patatagin mo sila sa iyong biyaya at ganap na ibalik sa iyo at sa mabuting plano na mayroon ka para sa kanila. Panginoon, habang nagsisi sila at handang tiisin ang iyong disiplina at ang mga bunga ng kanilang mga kasalanan, ibalik mo sila sa iyo at sa ministeryo at gamitin sila upang turuan ang mga makasalanan at pangaralan sila gamit ang iyong Salita at mga tagubilin. Panginoon, patuloy mo silang pagkalooban at protektahan upang patuloy nilang paglingkuran ka, ito ang aking panalangin sa pangalan ni Jesus, Amen.*

Panginoon, hinihiling namin sa iyo na pagpalain mo kami bilang iyong simbahan upang magpatuloy sa paglilingkod sa iyo at upang ilapat ang aming natutunan sa mga alintunin ng mensaheng ito. Panginoon, iniaalay namin ang aming sarili upang magmunga ng bunga Banal na Espiritu; pag-ibig, kagalakan, kapayapaan, kabaitan, kabutihan, pananampalataya, pagtitiyaga, matiisin at pagkakontrol sa sarili. Panginoon, patuloy mo kaming patnubayan ng iyong Banal na Espiritu upang gawin ang mga bagay na nais mong gawin namin. Panginoon, pupusin mo kami muli ng Banal na Espiritu at ibigay sa amin ang mga espirituwal na kaloob na kailangan namin upang makapag-ewangelio, gumawa ng bagong mga alagad at sanayin ang mga bagong mga manggagawa na yumaon at magtanim ng maraming pag aaral ng Bibliya at kapisanan para sa simbahan. Panginoon tuparin nawa ng ang pananaw ng simbahan, “Pagpaparami sa kapayapaan sa pagsasakatuparan ng buong kalooban ng Dios.” Panginoon pagpalain kami, palawakin mo ang aming lupain, sumaamin nawa ang iyong kamay, at ilayo kami mula sa pinsala upang hindi kami makaramdam ng sakit. Nawa'y ang biyaya ng Panginoong Jesus at ang pag-ibig ng Dios at ang pakikipagpisan ng Banal na Espiritu ay sumaating lahat sa pangalan ni Jesus, Amen.

Dr. Ramiz Khalaf
Ang Tagapamahala ng Simbahan
Simbahan ng Diyos
United Arab Emirates
Email: thebread1@gmail.com
Mobile Tel.#: 00971551902647

Tandaan: Ang Tinapay ng buhay ay lingguhang paghahayag mula sa Simbahan ng Diyos, United Arab Emirates. Sa karagadagang usapin at higit sa espirtual na pagpapalago maari mo kami bisitahin sa aming website sa: www.churchofgoduae.com

Ibahagi mo ito sa iyong mga kaibigan.

Nakikiusap ako na ibahagi mo sa amin ang iyong saloobin tungkol sa mensahe at

kung mayroon kang katanungan.

Kung mayroon kang kahilingan na panalagin, maari mong ipadala sa numero ng whatsapp: 00971551902647, o sa email na ito: thebread1@gmail.com.

Pakipadala ng iyong ikasampung bahagi, iyong unang bunga at iba ibang handog sa simbahan sa account na ito:

Pangalan ng Banko:

First Abu Dhabi Bank (FAB)

ACCOUNT NAME:

RAMIZ BAHNAM ABBO KHALAF

ACCOUNT NO:

1576003753162014

IBAN:

AE3803151576003753162014

SWIFT CODE:

NBADAEEACPU

O tawagan ako sa whatsapp numerong ito: 00971551902647 o sa email na ito: thebread1@gmail.com

Kung kailangan mo ng payo sa bahagi ng iyong buhay, kung ito'y tungkol sa pamilya, mga anak at pinansyal, malaya kayo makipagugnayan sa akin sa whatsapp na numerous: 00971551902647 o sa email na ito: thebread1@gmail.com